

Résumé KHUTBAH JUMMAH

PAR LAJNA IMA'ILLAH ILE MAURICE

Pour tous commentaires ek suggestions, envoye nous ène email à l'adresse
ishaatlajnamu@gmail.com


SOMMAIRE

**Coran : livre de
toutes les vérités** 02

**Croyez-vous en
un Dieu unique ?** 03

**Adieu au
Ramadan ?** 04

**La patience :
la clé du succès** 05



Huzoor (aba) finne dire ki Allah finne complete le Shariah (la loi Islamique) lor Nabi Kareem (saw). C'est ene grand faveur d'Allah lor banne musulmans ki zot la religion finne atteindre la perfection et c'est ziss l'Islam ki faire sa revendication la. Dernier religion ki Allah finne envoyer c'est l'Islam et si ene dimoune envi gagne Allah So plaisir, li kapav gagne sa ziss a travers l'Islam. Le Qur'an li seul source de progrès spirituel azordi. Le Messie Promis (as) finne dire ki le Saint Prophète (saw) ti le prophète parfait et complet et donc l'enseignement parfait et complet finne révélé a li.

Huzoor (aba) finne présente ene extrait du Messie Promis (as) ki finne dire ki le Qur'an finne effectivement complète la religion. Seulement, la porte pou cause avec Allah li reste ouvert, et dimoune kapav atteindre sa a travers ene purification interne kan li pou suivre le Qur'an et li pou montrer obéissance total envers le Saint Prophète (saw). Qur'an finne bien explicitement mentionne tous banne mauvais kitsoz ki bizin éviter afin ki banne dimoune prend zot précautions et zot pas tombe ladan. Le Messie Promis (as) finne dire ki si ene dimoune envi gagne le salut, sa dimoune la bizin accepter l'Unicité d'Allah et ki Li pena aukene partenaire, et aussi ki le Qur'an, li le livre complet et li contenir l'enseignement parfait et ki pena même nécessité de aukene lot livre après sa. Le Messie Promis (as) dire aussi ki avant le Quran, bannes madames pas ti ena aucun droits, mais lerla avec l'avènement de Qur'an, finne établir banne restrictions, finne aussi établir droits et respect de bannes madames. A la fin, Huzoor (aba) ine faire dua pou ki Allah aide nous tous pou ki nous kapave agir kuma bizin lor bannes enseignements de Qur'an, pou comprend li et amène ene la vie d'après ceki Qur'an finne montrer nous.

Huzoor (aba) dire La ilaha illAllah – pena aukene bondié apart Allah – c’est base de l’Unicité d’Allah. Le Saint Prophète (saw) finne dire ki Allah finne faire interdire l’enfer pou ene dimoune ki récite La ilaha illAllah pou gagne Allah So plaisir. Ene dimoune ki suivre banne enseignements du Saint Prophète (saw) et proclamer ki Allah Li ene sel zis pou gagne So plaisir, pena doute ki sa dimoune la pou gagne banne bénédictions et ki le Saint Prophète (saw) pou intercède pou li dans Jour du Jugement.

Huzoor (aba) finne présente ene extrait kot le Messie Promis (as) dire ki c’est zis Allah ki ena capacité pou vraiment aide ene dimoune et donc c’est zis vers Li ki bizin tourner. L’Unicité d’Allah, So grandeur et La ilaha illAllah finne manifester pendant la conquete de la Mecque. Kan le Saint Prophète (saw) finne demande Abu Sufyan eski li pas finne réalise supériorité de La ilaha illAllah, Abu Sufyan finne réponde ki définitivement li finne réalise sa parski si zot banne idole ti ena kik divinité dans zot, bé banla ti bizin fini aide banne Quraish au moins ene coup. Le Messie Promis (as) dire ki ou pas kapav penser ki c’est a travers ene lot dimoune so la mort ki ou pou gagne le salut. Au contraire, vrai salut et vrai délivrance li vinne a travers La ilaha illAllah. Mais bizin comprend so signification complètement et vive ou la vie d’après céki sa demande de ou.

Huzoor (aba) fine faire mention à propos la Nuit de Qadr. Vrai signe ki nous finne gagne la nuit de Qadr c’est kan ena ene changement dans ene dimoune so le cœur. Chacun de nou bannes actions bizin ene reflection de la illaha illAllah. Huzoor (aba) finne faire dua ki Allah donne nous tous capacitite pou amene nous la vie dans sa façon la meme.

Huzoor (aba) dire ki vendredi li ene jour ki béni et sa jour la spécialement bannes dua accepter. Nous bannes Ahmadi nous finne faire serment avec l'Imam de l'époque et tous bannes conditions de Bai'at ki attacher ek sa serment la zot tous liés avec Taqwa (crainte révérentielle d'Allah).

Huzoor (aba) finne cite ene extrait du Messie Promis (as) ki dire ki la droiture et l'ignorance pas kapave marche ensam. Ene dimoune ki droite pou passe so letemps pou faire adoration d'Allah et pou accompli droit de bannes dimounes. Vrai droiture possède ene telle la lumière ki faire ki kapave distingue li depi bannes lezotte kitsoz. Donc li important ki nous reste faire nous propre analyse et guetter si nous pe faire assez zeffor pou atteindre la droiture.

Huzoor (aba) dire ki dans l'époque ki nous pe vivre en ce moment, nous entouré par shaitan de tous les cotés et sans l'aide d'Allah, nous pas pou kapave saper depi bannes attaques de satan. Huzoor (aba) finne cite ene lot extrait du Messie Promis (as) ki dire ki dajjal c'est ene manifestation de satan. Finne dire ki dans bannes derniers jours, pou ena bannes batailles avec satan mais a la fin, satan pou subir la défaite. Mais sa li pou depanne ziss lor le fait ki bannes dimounes adopter bannes chemins de droiture. C'est kan nous pou suivre et marche d'après bannes enseignements du Messie Promis (as) ki nous pou kapave saper depi satan et nous pou compter parmi bannes ki Allah finne promette à Hazrat Massih Maoud (as) ki « Surement Mo pou protége bannes ki dans to lakaz ».Huzoor (aba) finne faire duah ki Allah permette nous amene sa vrai changement la dans nous même et ki Li donne nous capacité pou établi lor vrai la prière et ki li accepter sa banne duah la.

Huzoor (aba) dire ki ena dimoune ékire li pou essaie prouver a la lumière de banne difficultés ki Jamaat pé faire face a Pakistan et dans banne lezot pays ki faudrait pas ki banne Ahmadi zot zis montrer Sabr, au contraire ene deux fois bizin aussi ena ene réaction de nous part. Le Messie Promis (as) finne exhorte so Jama'at pou montrer patience et faire duah a plusieurs reprises. En faite, li finne meme dire ki si ene dimoune li pas kapav marche lor ene chemin bien difficile sans ki li montrer patience, bé ene tel kalité dimoune li libre pou kit li (le Messie Promis (as)).

Huzoor (aba) dire le deuxième Calife (ra) expliker ki ena deux types de patience ; premier c'est malgré ki nous ena capacité pou prend revanche, nous montrer patience et deuxième, kot nu montrer patience dans bannes circonstances kot nou impuissant. Le mot « patience » ena trois principales définitions : pou resse éloigner depi péchés, pou faire bannes bons actions continuellement, pou pas paniquer ou montrer la crainte.

Huzoor (aba) dire ki la patience, l'humilité, la cohérence et la prière c'est bannes moyens principales pou gagne Allah So plaisir . Le Messie Promis (as) ki dire ki sa Jama'at la pou faire face à bannes même difficultés ki bannes musulmans ti bisin faire face à l'époque du Saint Prophète (saw). Plisse pou ena difficultés, plisse pou ena l'occasion pou nous rapproche nous d'Allah.

Le Messie Promis (as) dire ki nous pou gagne le succès zis kan nous pou cherche le pardon, repentir pou nou bannes péchés, acquérir bannes connaissances religieuses, reconnaitre Allah So majesté et faire cinq fois namaz régulièrement. Huzoor (aba) dire ki c'est sa bannes moyens pou gagne le succès. Si nous réussi mette en pratique sa bannes kitsoz la, be lerla le Messie Promis (as) finne dire ki nous pou réussi remporte la victoire.

**Nous encourage tous ban Lajna et Nasirat
pou suivre Khutba Jummah en direct lor ban
chaines de la MTA**



Click lor ban link en bas pou accéder directement

<http://www.mta.tv/live>

ou

<http://www.mta.tv/live-audio-only>

ou pou Android app

**[https://play.google.com/store/apps/details?
id=tv.mta.apps.muslimtv](https://play.google.com/store/apps/details?id=tv.mta.apps.muslimtv)**

ou pou iPhone app

**[https://apps.apple.com/us/app/mta-
international/id942619881](https://apps.apple.com/us/app/mta-international/id942619881)**

